



CANTON SARAJEVO
Cantonal Civil Protection Administration
Operational Center

Broj: 04-40-1-97/20
Sarajevo, 07.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 06.04.2020. do 08:30 sati 07.04.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U toku jučerašnjeg dana Štab je u saradnji sa Vladom Kantona Sarajevo, Ministarstvom unutrašnjih poslova Kantona Sarajevo, Zavodom sa javnim zdravstvom Kantona Sarajevo i višim nivoima vlasti, poduzeo mjere i aktivnosti na obezbjeđenju prihvata naših državljana (tri) koji su autobusom doputovali iz Francuske, gdje im je pri dolasku obavljena medicinska trijaža, a potom su uz poštovanja socijalne distance i drugih epidemioloških mjera prebačeni do Studentskog doma „Bjalave u kojima će biti smješteni tokom trajanja izolacije.

Osim tri osobe koji su doputovali iz Francuske, trenutno je objektu Studentskog doma „Bjalave“, smješteno 18 osoba koje su stigli iz Italije i 63 osobe koje su stigle iz Švedske i za njih su osigurani svi neophodni sanitarni, zdravstveni i drugi uslovi za boravak u prostorijama Studentskog doma „Bjelave“.



Služba za veterinarske poslove je u toku jučerašnjeg dana bila angažovana na planskoj i sistemskoj dezinfekciji zgrade Vlade Kantona Sarajevo, kao i drugih javnih objekata i površina na području Kantona Sarajevo, dok su uposlenici KJKP Rad u skladu sa Vanrednim operativnim planom pranja i dezinfekcije javno-prometnih površina u toku jučerašnjeg dana bili angažovani na pranju i d

Dana, 06.04.2020. godine u skladu sa naredbom Štaba, volonteri općinskih organizacija Crvenog križa su dostavili lijekove na adrese 3 osobe koje su starije od 65 godina i koje nemaju bližnjeg srodnika da se brinu o njima.

Općinski štab civilne zaštite Stari Grad:

Po naredbi Općinskog štaba civilne zaštite pripadnici DVD Vratnik su od jučer angažovani na sistemskoj dezinfekciji slijedećih ulica: Hrid-Jarčedoli, Mahmutovac, Toka-Džeka, Bistrik, Mjedenica, Babića bašta i Mošćanica.

Općinski štab civilne zaštite Novi Grad:

Provodeći preventivne mjere zaštite od širenja koronavirusa i zaštite zdravlja najosjetljivije kategorije stanovništva, Općinska služba civilne zaštite Novi Grad je putem povjerenika civilne zaštite u mjesnim zajednicama, podijelila je oko 3500 komada zaštitnih maski penzionerima koji su se tokom jučerašnjeg dana izašli iz svojih domava da podignu penzije i da obave kupovinu hrane i drugih životnih potrepština.

Općinski štab civilne zaštite Ilidža:

U toku jučerašnjeg dana po naredbi komandanta Općinskog štaba civilne zaštite Ilidža pripadnici civilne zaštite su podijelili 1900 pamučnih zaštitnih maski uposlenicima banaka, pošti i penzionerima na ulazu u banke i pošte gdje je vršena isplata penzija. Također, u toku jučerašnjeg dana vršena je i dostava paketa sa prehrambenim artiklima za socijalno ugrožena domaćinstva.

Općinski štab civilne zaštite Hadžići:

Po nalogu Općinskog štaba civilne zaštite Služba za vodosnabdijevanje i asanaciju terena je bila angažovana na dezinfekciji ulica, kao i na dostavi pitke vode sa cisternama u rezervoar u kampa Ušivak gdje su smješteni migranti.

Općinski štab civilne zaštite Vogošća:

U prethodnom periodu uposlenici KJKP Rad i pripadnici VD Vogošća su izvršili pranje i dezinfekciju slijedećih ulica: Jošanička, Omladinska, Braće Kršo, Braće Halač, Izeta Delića, podvožnjak prema ulici Tome Mendeša, plato ispred OJ Dom zdravlja Vogošća, Ugorsko, Menjak, Hotonj i Orahov brijeg. Aktivisti Crvenog križa Vogošća su dostavili tople obroke na adrese korisnika javne kuhinje Crvenog križa, dok su aktivnosti nekoliko udruženja građana nastavili akciju podjele paketa sa prehrambenim proizvodima osobama koje su u stanju socijalne potrebe.

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a:



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

- dana, 06.04.2020. godine u 09:30 sati, od dežurnog u Policijskoj stanici Centar, da je građanin u svojoj bašti pronašao troblonsku minu,
- dana, 06.04.2020. godine u 20:10 sati, od strane građanina, da je u blizini naselja Trzanj (Općina Hadžići) pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jednu veći intervenciju i osam intervencija manjeg inteziteta. Veću intervenciju imali su dana, 06.04.2020. godine u 14:13 sati na brdu Hum, Općina Novo Sarajevo, gdje je gorjelo nisko rastinje. Požar je likvidiran u 18:30 sati. U gašenju požara učestvovalo je 18 vatrogasaca sa četiri vatrogasna vozila.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 7 °C, vlažnost zraka 35%, barometarski pritisak 955 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1